

欽定大清會典事例

欽定大清會典事例卷一千一百二十

八旗都統

田宅

撥給官房

承買入官房地

承追帶

撥給官房。○順治五年題准。一品官給房二十間。二品官給房十五間。三品官給房十二間。四品官給房十間。五品官給房七間。六品七品官給房四間。八品官給房三間。撥什庫擺牙喇披甲給房二間。○十一年議准。八旗官員兵丁均照分定地方居住。若遇調遣更地。仍准住原處。有情願置屋遷移者。聽從其便。都統副都統不

許強令遷移。如欲自蓋房屋者。該都統副都統查給本旗空地。准令自造。至外來歸附人員。應得房屋。照所得旗分買屋安插。若無房屋。行文工部於本旗空地蓋給。○十六年議准。各處取到旗下官員撥給房屋。各照舊例酌減。精奇尼哈。番品級各十四間。阿思哈尼哈。番品級各十二間。阿達哈哈。番品級各十間。拜他喇布勒哈。番品級各八間。陀沙喇哈。番品級各六間。六品七品官各四間。八品九品官各三間。撥什庫擺牙刺各二間。披甲人各一間。○康熙七年題准。

盛京後來甲兵餘丁未得房屋者。該都統副都統移咨該部。照每人屋一間例。折價三十兩。自行置造。○八年題准。每等房各減銀十兩。嗣後各處投誠人員。給予官地蓋房。照例給價。○二十年題准。將駐防外省官兵在京房屋。令戶部給發房價。其房屋給本佐領內無屋窮兵居住。○三十四年題准。於大城八門外。每旗蓋造住房二千間。共萬六千間。無房屋旗人。每人給房二間居住。○雍正元年覆准。八旗取租官房有傾斜者。若租住之人。願以己力修理。該管官將

修理價值。及如何修理之處。料估計算報該管大員。令其修理居住。其修理價值。俟抵完房租之日。再行取租。○二年奏准。內城九門。每門門軍四十名。缺出。將滿洲蒙古養育兵挑補。外城七門。每門門軍四十名。缺出。將漢軍養育兵挑補。其門軍居住房屋。內九門舊設綠旗門軍。原各有官房一間。應即與居住。外七門門軍舊無房屋。交與工部於各門相近之處。每門蓋給房屋四十間。○三年

諭。旗下所有之官房。若令各該旗管理。參領等或有作

弊之處亦未可定。相應調旗管理。鑲黃旗官房。著正白旗管理。正白旗官房。著鑲黃旗管理。鑲白旗官房。著正藍旗管理。正藍旗官房。著鑲白旗管理。正黃旗官房。著正紅旗管理。正紅旗官房。著正黃旗管理。鑲紅旗官房。著鑲藍旗管理。鑲藍旗官房。著鑲紅旗管理。○乾隆二年奉

旨。賞給公產地價銀十有六萬七千餘兩。建造官房。分給八旗貧乏旗人居住。○十年奏准。凡修理房屋。各旗酌量所得租銀數目。將應行修理者修理。如所贖銀不敷動用。其工程可緩者。俟續得租銀

時再行修理。若不能久待。必需及時修理者。該
旗奏明緣由。交工部委官料估修理。○十六年
奏准。分給八旗屯種人戶存退餘絕地租銀。及
直屬現存續行入官。並未賣公產等地。歲入租
銀。令步軍統領查明京城空隙地基。給價置買。
交與工部估建官房。賞給貧乏旗人居住。其臨
街市房屋。或有坍塌。詢明原業。情願售賣者。照
例給價置買。一併修建完日。交各旗該管官不
時稽查。或有私相典售者。將房屋撤出。價銀入
官。照律治罪。該管官夫於覺察。亦照例議處。其

乾隆二年分給旗人官房。或有坍塌。及不肖之人私相典售者。令各旗嚴查。毋得徇隱。如有坍塌之處。一併確估修理。按八旗隙地五百三十八處。內自修者二百七十八處。毋庸建造者五十四處。其餘空地二百六處。約可蓋房三千九百六十一間。委官估計。按年陸續興修。○二十三年覆准。京城八門外。每旗住房二千間。內滿洲旗分人數較衆。令其住居三隅。共計一千五百間。蒙古旗分人數較少。令其住居一隅。共計五百間。○三十二年議准。京城內外旗房臨街

坍塌者。內城令各該戶呈報。步軍統領衙門外城呈報。管理街道衙門。照舊修理。如有木植。瓦不全。必須添補者。令該戶於呈內。將如何改修之處。詳細聲明。委員查驗屬實。准其將餘賸朽爛物料。抵作工價。若院內房屋。雖未坍塌。欲另行修蓋。或移於他處修蓋者。亦令報明。聽其修蓋。儻有不肖之徒。將所住完整房屋。捏稱倒塌。無端拆毀。售賣者。仍照前例。嚴行禁止。○三十四年。奏准。內外城兵丁等所住營房。每名僅得兩間。應交八旗都統等。不時查看。遇有零星

傷損即行確估黏修。每開工價如在三兩以內者。令住房兵丁自行黏補。三兩以上者。於該旗餘贍公項房租銀兩內酌量修理。並飭令查旗御史按季查驗。如有汙踐殘損過甚不行修理。以及浮冒不實等情。即行叅奏。其有無修理。及是否完整之處。著各該旗於歲底咨報。直年旗彙總具奏。○三十六年奏准。八旗兵丁所住官房。每旗各派大臣一員專任管理。嗣後此項官房。每月由本旗佐領出具。並無倒敝租典之甘結冊檔。於年終出具保片。咨行直年旗彙總具

奏○三十七年奏准修理八旗公署房屋銀數在二百兩以下者該旗自行修理其在二百兩以上者該旗專摺奏明修理其或銀數在一千兩以上者工部奏請

特派大臣辦理○又奉

旨嗣後官房工程在二千兩以上者俱著請旨特派大臣辦理○三十八年議准修理八旗房屋如銀過二百兩錢過五十串以上者交該旗照例奏明辦理○四十年議准八旗各項房屋以及衙署等工自完工之日起責令保固十年儻限內些小

滲漏損壞。令現任官隨時黏補。若係地腳浮鬆以致坍塌。著該管上司按照坍塌情形。委員確計工料。著落原辦官賠補。工完後。取具原辦官切實保固印結。並令該管上司加結呈報工部。以昭慎重。○四十七年議准。附近京城各州縣屯居旗房。私行典賣者。即照民人典賣旗地之例。一律辦理。○五十五年奏准。八旗修理各衙署。定限十五年之內。遇有坍塌之處。著落承辦官賠修。如十五年之外。二十五年之內。有朽壞滲漏等情。即令該衙門自行修葺。至二十五年

之外。有應修理之處。始准奏明請

旨動項興修。○道光元年

諭。戶部議奏蘆商生息款內。有山東息銀五萬兩。請按年解交內務府備用。朕思八旗丁口繁盛。生計維艱。現在中城不少空閒地面。將此項銀兩。分年添蓋房屋。以為貧乏旗戶棲止之所。著內務府大臣妥議章程具奏。欽此。遵

旨議定。城內左右翼空閒地面五十六處。堪以建蓋房屋二千六百八十八間。每間擬各面闊九尺。進深一丈。柱高七尺五寸。徑五寸。五椽。每年建蓋房

四百間。自二年至七年共二千四百間。再

皇城內有空地七處。建房四百八十三間。撥給內務府三旗貧戶居住。城內每年蓋造分撥八旗。每旗房五十間。滿洲二十五間。蒙古十間。漢軍十五間。交內務府查收。分撥八旗貧戶居住。每至十年。咨報內務府修理一次。各該旗派參佐領隨時稽查。毋致有私行租典等事。仍於年終咨報內務府備查。

承買人官房地。○雍正十一年議准。現銀認買官房。拆修聽其自便。指扣俸餉認買官房。俟價

值照數扣完之日。聽其拆修。若將認買之房。希圖獲利。本身並不居住。全行拆賣者。永行禁止。或於十間之內。拆毀三四間。將甃瓦木植變賣。修理鋪面房屋。或拆此修彼。移居者。皆將情由呈該參領佐領報都統存案。准其拆修。如係認買別旗之房。亦照例呈本旗。行文售賣官房。旗分存案。准其拆修。有房人員。或指俸餉。或交現銀。認買房屋。給無房之子弟居住。或因本身房屋不敷居住。別買大房者。皆令呈報。准其認買。如一人名下認買二三所。或指他人名姓認買。

者。概行禁止。該管大員。或因係本管不得認買。指他人名姓承買。或不肖之人。將指俸餉認買之房。於未經坐扣完日。私行典賣。或竟拆毀變賣。甓瓦木料者。通行禁止。大小官員。若非本管房屋。情願指俸認買者。聽其自便。以上各條。如有違者。或經查出。或被旁人首告。即行參奏。照例治罪。○十二年奏准。凡本身入官房地。如係分家別住之叔伯兄弟。有情願認買者。准其認買。至本身及親子孫。概不准認買。僮有濫行具呈。及濫准認買者。將具呈之官兵。分別議處。准

其認買之該管官。交部察議。○又議准。認買入官房地人口之官兵。有以現銀認買者。即著將銀先交戶部。給發回文。該旗行文兩翼。給發印信執照報部。若指俸餉買者。俟俸餉坐扣完日。再行移咨兩翼。給發執照報部備案。毋庸納稅。○乾隆二年。覆准。入官房屋。三品以下官員及兵丁。無論價值多寡。俱准認買。其一二品大員。惟價在千兩以上。至數千兩者。准其認買。仍取具該管官印結報部。果無房屋居住。方准認買。儻一二品大員。內詐稱無房居住。濫行認買。該

管官扶同捏結者。查出。一併交部分別議處。

四年

諭。從前降旨。令將入官地。仍賞與八旗。以為恆產。隨經八旗大臣議請。借支庫銀。於京城空地蓋屋。賞給無房之人居住。將公產地租陸續補庫。其續收地租。作何賞給。永遠接濟。再議具奏等語。朕思此項地畝。皆係旗人舊業。有因於欠錢糧入官者。有貪婪官吏。抵應賠款項入官者。既賞還八旗人等。仍留公官辦。不但所得地租。分散之時。勢難均齊。而地畝租銀。官收之數。亦必少於私收。分賞衆人。則人多數少。無濟於

事。勢必隨手花費。此項地畝。仍令八旗官兵。或指俸
餉。或交現銀。承買為業。則八旗人等。各得立產。於生
計。自有裨益。承買價銀。即補蓋房之費。其餘銀。作何
辦理。及現有地。作何視其肥瘠。酌量等第。別定價值。
令其認買。戶部八旗大臣等。詳晰議奏。欽此。遵

旨議定。一等地。每三十畝。作價銀四十八兩。二等地。三
十八兩。三等地。二十八兩。四等地。十八兩。荒地。
十二兩。凡官兵人等。領買者。無論銀數多寡。分
作五次。限五年交完。其指俸餉抵買者。令坐扣
五年完結。如一人名下。入官地坐落一處。頃畝

數多。承買之人俸餉。不敷坐扣者。准先交不敷銀。其餘按季按月坐扣俸餉。若無力先交不敷銀。准將不同居之親族俸餉抵買。或與異姓無產之官兵合買。買後任其分割。如買人內或有事故。不准一人獨退。其未完銀。令同買之官兵俟本身應扣地價完日。再行接扣。地畝即令接扣之人管業。再雍正七年。曾奉

諭旨。動支庫帑。贖回民典旗地。今公產地價。除抵還蓋造官房所借庫銀外。原係八旗應辦生息之項。即以此項銀發地方官贖回報部。先令原業主

照原價交官。給還原產。如原業主不願承領。即
准各旗官兵及閒散人。或扣俸餉。或交現銀承
買。僮旗民圖利。私相說合。隱匿不報。及典地年
久。原業主不知坐落。典主有心隱匿者。皆照隱
匿官田律治罪。○六年奏准。拖欠錢糧人等。報
出所典房地。詢明房地原主。如願限一年內照
原典價贖回。或願指俸餉坐扣贖回者。仍聽原
主贖回。如不願贖回。將房地照例入官變賣。○
三十年奏准。在京旗人典賣

盛京所遺房地。在本旗都統衙門呈明。轉咨

盛京戶部查辦。○三十五年奏准八旗官員有指
俸承買官房者。如價銀在千兩以上。著先交一
半現銀。其餘銀限八年完結。至千兩以下。合計
俸銀。可以五年完結者。仍著按年生扣。如五年
不能完結。亦先交一半。其餘銀即於五年俸內
生扣。○三十九年奏准八旗官兵內。有具報地
畝。以抵官項入官者。或買或典。皆有原立契紙。
將原契紙原價原佃原租各數目。逐一據實呈
報。由旗查訊驗明。造具印冊咨部。由部行文直
隸總督。委員會同該州縣。按畝詳驗。如果租數

相符。造具租冊。加具印結。一併咨覆戶部。即按租定價。概以一分三釐之利為度。如具報之地。得一百三十兩租銀者。抵一千兩官項。得二百六十兩租銀者。抵二千兩官項。以地多少按次增算。至佃戶名下應交租銀一兩者。酌減一成三分。照庫平庫色交官解送。○四十一年議准。入官地畝。有原條。

恩賞者。應存留備。

恩賞之用。不准認買。若園地。則止准旗人認買。如旗人所置民地。及各州縣入官房地。不論旗民。概

准認買。凡認買地數。官員不得過十頃。兵丁閒散人等。不得過五頃。有坐落一邨。而頃畝數多者。准公同認買。認買之後。非有病故革退官兵情事。不准濫請退地。其認買田地。呈請坐扣俸餉者。本身外。止准在同居兄弟子姪俸餉內代扣。不准借扣。儻遇事故。仍行入官。其扣過交過價銀。以所得歷年租銀作抵。如不敷。仍准找給。

○四十四年

諭。八旗贖回入官老圈地畝。從前俱准八旗官員兵丁認買。後因不肖之徒。偷行典賣與民人等弊。始不准

官員兵丁認買。令官為取租。但官為取租。必致產業漸少。而聽其自行取租。又或恐有未便。不如將此項地畝。仍官為取租。將每年所得之租。解送戶部。分給八旗賞賚兵丁。如此庶不費伊等之力。而錢糧可無坐扣。著戶部八旗將如何均勻賞給之處。詳議具奏。欽此遵。

旨議定。除兵丁內並不當差之養育兵。及下五旗包衣人等。毋庸賞給外。其餘令該都統一併確查分賞。即於本年為始。戶部詳○四十六年議准。旗人無論官員及閒散人等。置買房地。不赴兩翼納

稅過契。赴大興宛平兩縣。私稅民契者。照違

制律官員議處。閒散人等鞭責發落。仍令赴左右兩翼補稅換照。○四十七年議准。民人置買旗房連走道院落契。載房屋一二間至五間。所佔地基。不得過一畝。六間至十間。不得過二畝。十間以外。不得過三畝。五十間至一百間。不得過五畝。准其置買投稅。其有逾於定數者。即查丈確數。如已蓋房。照頭等地畝徵租。若係多餘地基。照例入官。至原買房間本少。買後續行添建者。數其房間數目。照酌定地畝管業。其有多佔地

基。照頭等地。畝徵租報部。至一人之產分賣各戶者。如置買年月相同。及房屋總數相等。顯係民人等置買時。因地數過多。分戶開報。巧為影射。仍照例入官。又契載並無房屋。止有基地。並莊窠宅基一塊。及一所等項字樣者。顯係旗地。即行查撤入官。照例治罪。○又議准。凡八旗查抄契典入官房屋。原業主願回贖者。無論銀數多寡。仍令一年限內完交。如實係無力。請以俸餉扣贖者。二百兩以下。准其一年坐扣。二百兩以上。至五百兩。准其二年坐扣。五百兩以上。至

千兩。准其三年坐扣。千兩以外。准其五年坐扣。其俸餉如不敷坐扣。所贖銀兩。令其限內完納。如不能完。仍將房屋入官。○又議准。附近京城各州縣在屯旗房。照京城旗房之例。概不准民人典買。違者照民人典買旗地例辦理。○嘉慶元年議准。八旗官兵人等認買入官房地。以現銀認買者。俟銀兩交部給發回文後。准其執業。毋庸納稅。以俸餉認買者亦如之。○又議准。八旗官兵人等。指俸餉認買官房官地。未經坐扣完結。遇有革退辭糧出旗為民等事。所有未完

銀兩。情願交納現銀者。准其交納。如無現銀。將房地交回戶部。其扣過俸餉。將所得租銀扣除外。餘贖銀兩。戶部如數給還。○又議准。八旗官兵認買房地指俸餉坐扣者。其房價在一百兩以下。定限四年坐扣。一百兩以上。定限五年坐扣。三百兩以上。定限六年坐扣。五百兩以上。定限七年坐扣。如伊等俸餉不敷坐扣。先行交納一半。其餘仍按年限坐扣。至價銀一千兩以上者。先行交納一半。其餘定限八年坐扣完結。○五年議准。入官地畝。其間有旗人得價之後。復

向典主屢找價值以致契價過重。未能按十一徵收者。應將此等地畝。仍照原價酌減之數折算徵收。○六年奏准。認買八旗抵項房間。估定價值行旗之日。再由本旗呈准咨部認買。不得自行在部具呈。

承追帑項。○雍正三年奏准。侵盜挪移等贓。交旗行追人犯。限一年追完。如不能完。著落犯人之妻。及未分家之子。再限一年追完。如仍不完。實屬無力者。佐領驍騎校保呈。由參領轉呈都統副都統題。豁。償保題後。有房業人口。可以賠

補者。查出盡行入官。將保呈之佐領。駢騎校革職。所欠之項。著令賠補。都統副都統參領一併革職。至一應贓私。果力不能完者。即予豁免。不得株連親族。僕濫及親族追賠。將承追各官從重治罪。○又奏准。承追虧空官。能將虧空人所匿房產查出。及能催追於限內完結銀至二千兩者。紀錄一次。四千兩者。紀錄二次。六千兩者。紀錄三次。八千兩者。加一級。若所追納。又有多於此者。皆按此數。予以加級紀錄。○四年奉

旨。虧空銀交各該處催追。令將完納數目。行知承辦之

旗。於歲終彙奏。其中如有家產已完等情。令該旗奏聞。著為定例。○五年奉

旨。凡入官房產。所變價值較原欠之數有餘者。將餘銀給還本人。○六年

諭。各省虧空賠補之項。該員任所無完。例於本籍本旗追變。仍令解交該省歸款。但應完銀數多寡不同。少者有行李舟車之費。多者有道路疏失之虞。往返解送。殊多周折。且各省藩庫均屬國家公帑。原無區別。嗣後有行旗行籍追補等項。該員交納之時。在籍者即於本省布政使司衙門具呈交納。布政使查收貯

庫候撥申報巡撫。該撫將所收數目咨報戶部。戶部行文知照應解省分。在旗者即於該旗具呈。該都統咨送戶部。行文知照應解省分。如此則官員賠補錢糧者。就近完納。可免運送之煩。○又

諭。挖欠公庫銀。所以令該管之人分賠者。蓋以當時經管錢糧之人。將公帑借給之時。或徇情受託。或剋扣分肥。不論人家產之厚薄。濫行借給。致成虧空。無可著追。揆情定罪。是以責令分賠。以示懲戒。但分賠多人。各人名下自有應賠之數。若該員將應賠之數完納。其責已畢。儻將他人不能完納之數。加於現在之

人。則一人又代衆人分賠。殊於情理未協。嗣後凡屬分賠之項。本人止完自己名下應賠之數。若同賠之人有無力完帑者。將此分賠銀額除歸結。不得於他人名下濫行攤派。著通行八旗奉為定例。○十三年覆准。辦理虧空。如係墳園房屋人口祭田。一概不准入官。從前有已經入官者。令該旗逐一清查。給還本人。○又覆准。虧空賠累追贓。按檢家產等案。概不許提訊婦女。儻有刻薄官員侮辱婦女。或經告發。或經該上司查出。照例治罪。儻該上司徇庇及失察者。一併議處。○乾隆元年

奏准。凡關領祭田。如三項以下。即撥出給還本人。如有十餘項者。以三項給還本人。其餘仍入官。○又議准。本官經管錢糧。所屬有借支借領。與夫同官挪借出有印領者。應開抵追完。至平日債負。或幫助親友。以及同官私借。雖有文約。並無印領者。無論遠年近年。有無確據。一概不准開抵。○又議准。承查承估承變承追。原有一定制限。其遲延不力各官。自有應得處分。如覈估之人。勘報不實。希圖蒙混。及承變承追。以多報少。贍徇延緩。以致帑項懸缺者。著令賠補實

屬允當。若查勘本無不實。催追並無徇縱。止因變抵不數。公項未完。遽令代賠。殊有未協。嗣後查估查變之官。該管上司查明。果無情弊。仍在本人名下歸結。不得勒令代賠。若遲延不力。照例議處。○二十三年議准。一切承追帑項數在五百兩以下者。著該員於一年所得養廉內全數坐扣。不必待其自繳。儻該員養廉全行坐扣。後尚有不敷。即於下年養廉內照數補扣。○二十七年

諭。此後外省叅革漢軍人員。有應完帑項。著於定限內

催追若為數過多酌量展限完納。僅有逾限不完者。即將該員解旗治罪。毋得遷延在外。巧為趨避。將來有似此者。均照此例行。○二十八年議准。嗣後承追事件。計算例限。不准扣除封印日期。○三十年

諭。向例滿漢官員等有未完應追官項。果係無力完交者。取具承追各官印結。題請豁免。但各款情節。亦非一律。若不論事理之重輕。概行豁免。則倖免之徒。轉自以為得計。如概行議罪。並且累及子孫。又覺漫無區別。嗣後應如何酌定章程。使巧侵者不至漏網。獲罪者知所創懲。無辜者免於控累。著八旗都統會同

戶刑兩部。詳悉定議具奏。欽此。遵

旨議定。凡遇工程數減。本身現在無力完交。請豁銀數。在一千兩以上者。照知府分賠屬員侵欺不完治罪之例治罪。以十分為率。如未完之數在五分之一以內者。杖一百。至六分者。杖六十。徒一年。每一分加一等。十分無完者。杖一百。徒三年。均不准納贖。如數不及一千兩者。仍照舊例豁免。其餘長支溢領誤發。以及分賠之非由屬員侵欺代賠者。賠之項數不及一千兩者。果係力不能完。仍照舊例豁免。如數在一千兩以上者。未便

豁免。今各該旗籍於摺內聲明。或照本身現定
工程覈減之例酌減。一等問擬。或免其治罪之
處。奏請辦理。○三十一年議准。一切承追銀兩
原官已故。而銀數在十兩以上者。行文著追。在
十兩以內者。即令承辦官於公費銀內代完。詳互

戶部追賠
欠條下。

○三十六年奉

旨。嗣後旗人遇有虧缺庫項之員。即行叅奏。仍依限嚴
追。速清公帑。毋得任意懸宕。如有仍蹈前轍者。惟承
辦之大小各員是問。○三十七年議准。滿漢官員欠
項。有前項未經繳完。續有別項追賠。果係力難

併納者。俟前案完繳後。再將續賠銀兩。按數定限。接追完繳。○四十年奏准。承追旗員銀兩。除銀數在一千兩以下。仍照舊辦理外。若銀數至一千兩以上。或一萬兩至三四萬兩者。均照四五年之定限。陸續交完。毋得拘泥。每年應完之數。辦理。若至四年五年。正限滿時。仍未完結。即據實參奏。照例辦理。○四十二年奏准。旗員拖欠官項。若非本身侵欺虧空。一時不能措繳者。准於本身及兄弟子姪俸餉扣還。仍覈應得俸餉。計抵所欠之數。如一二年可扣清者。咨部

請扣。若須三四年以上。該旗確查實無家產。議定再展年限。奏請坐扣。其請扣日期。或在錢糧冊檔報部以後。或已在月餉開放之際。未及入扣者。將此項銀兩。令該旗入於伊等下月錢糧內。分為六箇月補扣。○四十八年奏准。嗣後滿漢各官內論俸升選者。其祖父及本身賠項。如因家產全完。將廉俸全行扣抵。並按年限交清者。准其升選。違限不交者。仍停其升選。○五十年

一年

諭。八旗綠營兵丁內。有祖父應賠銀兩。於子孫食餉銀

內坐扣者。此項銀兩。本應照數完繳。第念兵丁內所得餉銀。為數有限。若再行坐扣。未免生計拮据。嗣後因公數減借欠等項。及分賠代賠。經地方官報明家產盡絕。無力完繳者。著照例豁免。毋庸再於同案各員名下攤追。用溥恩施。而昭體恤。○五十二年

諭。八旗兵丁有應追伊祖父欠項。於餉銀內坐扣者。而所得餉銀有限。扣至百十年不能清完。生計未免拮据。著確查分別豁免。○五十三年奉

旨。八旗官員名下應追銀兩內。如係侵蝕入己之項。俱著落伊等子孫賠補。其餘之項。可著落伊子賠補。毋

庸著落伊孫及兄弟賠補。卽為例。○五十五年議准。旗員應追公項。令各旗參領佐領據實確查。如尚可以設措。捏稱無力。濫邀寬免者。發覺後財產入官。仍將出結官革職。原豁免銀兩著賠還。○又議准。嗣後旗員人等。有應追分賠代賠。覈減銀兩。實在無力完交者。該參領佐領出具切實印結送部。戶部仍咨查各該員有無隱匿寄頓情弊。取具各官切實印結送部。統於年底將免過案由銀數彙案具題豁免。○嘉慶元年議准。旗人拖欠銀兩。以所典房地報抵者。查詢原

業主限一年內照原價回贖。如不願回贖。將房地入官變價抵項。○三年議准。八旗逃走之人。及獲罪革退兵丁等。有未完庫銀者。著落伊子賠還。有兄弟子姪親屬情願代扣者。准其按月坐扣。若既無家產。又無代扣之人。該旗查實具結。准予寬免。將本人交部治罪。○五年

諭。嗣後本身已故之員。應賠款項。除原有定限者。仍照原限追繳外。其未經定限之款。俱著查照戶部承追定例。分別銀數多寡。按限著追。以清官項。○六年題准。各旗籍內務府並下五旗包衣人等。凡侵貪

挪移一切賠罰應追銀兩。除本人現在服官。仍照向例按限催追外。其有本人緣事離任。及本身已故。在家屬名下著追。並子孫俸餉銀內坐扣者。俱一體豁免。○七年奉

旨。向來辦理侵虧之案。定例甚嚴。原因該員等在任之時。恣意侵貪。冀肥身家而潤子孫。其情最為可惡。是以將本員監追治罪。其未完之項。並著落伊子孫賠繳。即其子孫困苦流離。亦無足惜。原以懲貪墨而儆官邪也。至因公覈減及分賠代賠各項。或因限於時地。與例不符。或係代人受過。此等賠項。究屬因公。與

侵挪入己者有聞。此在立法之始。原未嘗概無區別。嗣因奉行日久。辦理參差。畸重畸輕。轉不足以昭情理之平。蓋著賠之款。總以本身為重。其例應分攤者。即應於分攤之員分別覈辦。若不顧事理。率行攤派。或波及同僚。或累及上官。甚或輾轉攤賠。又於攤賠各員子孫名下著追。是案外之官。本身已代人賠累。子孫復受追呼之苦。而本任應賠之員及其子孫。早已置身事外。不獨事不公平。且帑項終歸無著。此不過外省巧為拖延之計耳。又八旗綠營兵丁坐扣餉銀。概行豁免。節經我

皇祖

皇考申諭詳明。仁至義盡。允宜永遠欽遵。即朕親政之初。亦早經明降諭旨。將分賠代賠分別減免。此內應扣繳養廉之員。如琅玕伊桑阿職分最大。皆請將養廉全繳。朕恐其無以辦公。又復派累屬員。節次諭令。每年僅交一半。於著追帑項之中。仍寓體恤下情之意。至兵丁餉銀。原屬有限。若再行坐扣。伊等何以爲生。著將一切扣餉之例。永行停止。其文武各官賠項。有應扣繳養廉者。此後每年止須坐扣一半。不必全行扣繳。免其藉口索取。轉遂其私。著爲令。○又議准。

旗員有應完各案一切帑項。查明實係家產全無。其本身弟兄子姪僅止食餉者。該旗取具參領佐領保結送部。照例題豁。該旗毋得再行聲請在所食餉銀內坐扣。從前所有兵丁扣餉之例。一概停止。永遠遵行。○又議准。現任文武官員應繳欠項銀。除銀數不多。該員呈請自願在於半年俸廉內可以全行坐扣完結者。聽其坐扣外。餘俱勒限完繳。其有限滿未完業經該旗籍查明結報家產全無。准於俸廉內遞年扣抵。嗣後每年止扣一半。其一半留與當差。永遠遵

行。如本係有力完繳。故借扣繳延宕不交。察出將本員及承追出結之員。一律嚴參議處。又定八旗應追欠項。除奉

旨定有期限完繳外。其餘銀兩。均於文到日起。如數在三百兩以下者。限半年完繳。三百兩以上者。限一年完繳。一千兩至五千兩。限四年完繳。五千兩以上。限五年完繳。如限滿不完。查係現任官員。或非現任。而案由該員貽誤。情節較重者。由該都統咨部查參。又定軍需案內虧欠帑項者。果係承辦急需要務。一時不能悉符常例。

致令部駁該員究係急公。准奏明酌量寬免。○
又定八旗分賠公帑人員。如本身賠項已完。而
同賠之人。有家產盡絕者。不得於同案名下重
攤。即通省各官養廉內攤扣。亦永行禁止。○又
定滿漢應繳欠項人員。果無貲財將產業抵項
者。止准將本人名下應得之產作抵。○又定滿
漢拖欠官項錢糧人員。本身力不能完。准在承
產之兄弟子姪。分肥之僚友上司。經手之家奴
吏役及寄頓之人賠補。若已分居析產。及並無
侵漁寄頓情弊。而該管官藉稱嚴查。紛紛刑求。

著即參奏。○又定回旗人員應追各項銀兩。如有部減不符及派賠不公等情。准於本旗呈明移咨任所覈辦。儻自行赴任清理者。照例議處。○又定應追一切賠項。如事非因公。情節較重。而該上司知情徇隱者。不准豁免。著該管各上司攤賠。○又定滿漢官員欠項。有初案已經題豁者。續有別案。准其一併豁免。○又定凡承追戶屬銀兩。如實無家產。而該旗不為據實詳請豁免者。交吏部議處。若該旗已咨部。而司員任聽書役不為題豁。司員亦交部議處。書役交刑

部治罪。

欽定大清會典事例卷一千一百二十一

八旗都統

兵制

旗營建置
革退官兵

挑補領催
軍馬甲

挑補馬甲
挑補匠役

挑補養育兵

旗營建置。○驍騎營。八旗滿洲蒙古漢軍按旗分設。前鋒營。八旗前鋒按左右兩翼分設。護軍營。八旗護軍按旗分設。凡前鋒護軍皆滿洲。附以蒙古。步軍營。八旗滿洲蒙古漢軍按旗分設。滿洲火器營。分內外二營。八旗護軍按旗分設。自前鋒營以下。皆別為營。惟驍騎營專隸於都

統○天聰八年

諭朕仰承

天眷。撫有滿洲蒙古漢人兵衆。前此步騎守哨等。雖各有營伍。未分名色。故止以該管將領姓名稱為某將領之兵。今宜分辨名色。永為定制。隨固山額真行營馬兵為阿禮哈超哈。步兵為白奇超哈。擺牙喇哨兵為噶布什賢超哈。駐防盛京礮兵為守兵。閒駐兵為援兵。外城守兵為守邊兵。舊蒙古右營為右營兵。左營為左營兵。舊漢兵為烏真超哈。元帥孔有德兵為天祐兵。總兵官尚可喜兵為天助兵。

蒙古兩翼。後仍分八旗。餘均歸

軍。入漢。○康熙十二年

諭。漢軍每旗應設一營操練火器。○雍正二年

諭。滿洲蒙古每佐領下挑取護軍四名。馬甲四名。令其學習長槍。漢軍每佐領下挑取馬甲四名。令其學習藤牌挑刀。欽此。遵。

旨議定。令該旗大臣等務將年少可以學習者挑取。每翼都統一員。護軍統領一員。護軍營每旗派護軍參領二員。護軍校十四員。驍騎營每旗按滿洲蒙古漢軍各派參領一員。每甲喇派閒散章京二人。驍騎校二人。領催四名。令其管轄。○又

諭。前漢軍懇請出兵效力。朕諭該都統等。漢軍騎射生疏。平時不肯演習。而務出征效力之虛名。於事無益。可於每旗操演兵丁千名備用。昨據都統等奏。鑲黃正黃正白三旗。除常行當差兵外。現在輪流操演。可得千人。正紅鑲白鑲紅正藍鑲藍五旗。除當差外。不數千人之數。我朝定鼎。漢軍從龍入關。技勇皆為可用。今承平日久。耽於安逸。是以武藝遠不如前。目今官至提鎮副參者。寥寥無幾。而在內簡用都統副都統時。亦難其人。朕思漢軍生齒日繁。當籌所以教養之道。而額設之兵。為數又少。似應酌量加增。於國家

之營伍。旗人之生計。均有裨益。且如在外駐防漢軍子弟。日漸繁衍。而本身錢糧。各有定數。難以養贍。應令餘丁回京當差。又如外任官子弟。往往以隨任為名。游蕩荒廢。前曾有旨嚴禁。悉令回京當差。學習弓馬。又如候缺微員。一時難以銓選者。若情願入伍當差。到選期時。仍許輪班補用。又如內府人丁。亦衆於充役當差外。其閒散人丁。撥入八旗充驍騎。亦可再五旗諸王之漢軍佐領。仍屬本王外。其貝勒貝子公等之漢軍佐領。實無所用。應撤歸旗下。中公中當差。且可免掣肘之虞。其如何增設漢軍佐領。永遠可行。著

詳議具奏。欽此。遵。

旨議定。漢軍鑲黃旗四十三佐領有半。正黃正白二旗皆四十二佐領。正紅旗二十七佐領有半。鑲白旗二十八佐領。鑲紅旗二十七佐領。正藍鑲藍旗各二十八佐領。計領催槍手礮手鄂爾布。養育兵銅鐵匠弓匠聽差護城守門守礮守火藥局守教場以及步軍門軍共一萬七千五百二十八人。今應於原有之二百六十五佐領及兩半分佐領外。增設三佐領。並增足兩半分為兩整分。上三旗每旗定為四十佐領。下五旗每旗

補足三十佐領。共二百七十佐領。其新設佐領下。應增領催十五名。步軍領催三名。步軍四十八名。每佐領下。均增足槍手四十名。鄂爾布八名。上三旗每旗補足養育兵一百八十八名下。五旗每旗補足養育兵一百四十九名。共增兵二千四百七十二名。以足二萬之數。至增設各項兵丁。應於在京閒散壯丁。及外省駐防漢軍餘丁。外官隨任子弟。願充馬甲者。並候選未得官之微員內。選補。再下五旗漢軍佐領。除王等仍舊分設外。貝勒貝子公等佐領。悉歸入各旗。

作為公中佐領。○乾隆二十二年

諭八旗滿洲人等生齒日繁。因發往拉林阿勒楚客種地。又遣戍各處。如今滿洲世僕得錢糧甚易。其蒙古人等另記檔案者多。俱令出旗。是以蒙古世僕得錢糧者。亦覺寬裕。但人之多寡不一。甚不公允。即如上三旗人多。其年力精壯。俱不能得錢糧。下五旗人少。其年幼孩童。俱挑取馬甲。八旗雖各應量其旗分辦理。俱係朕之臣僕。若使之如是不均。有負朕愛養旗僕之至意。其人少旗分。將缺分如何通融。給予人多旗分。挑取日後人少旗分。人口滋繁。再行歸給本旗。

挑取之處。著軍機大臣八旗大臣詳細查明定議具奏。八旗蒙古如有似此多寡等情。亦著照此辦理。現在多寡人數。既經通融辦理。其前議出旗人等扣缺。應如何令其作速扣除之處。一併議奏。欽此。遵

旨於二十三年議定。八旗滿洲鑲黃正黃正白等三旗。現有可挑差使年力精壯之養育兵。以及閒散甚多。鑲白正藍正紅鑲紅鑲藍等五旗。可挑差使之。尚屬不足。今將鑲白正藍二旗滿洲缺分。量歸鑲黃旗滿洲挑取。正紅鑲紅二旗滿洲缺分。量歸正白旗滿洲挑取。鑲藍旗滿洲缺分。

量歸正黃旗滿洲挑取。其八旗蒙古正黃正白正藍鑲白等四旗人數。現在俱數挑差使。不必另行辦理。惟鑲黃正紅兩旗蒙古。人數過多。鑲紅鑲藍兩旗蒙古。現在可挑差使人等。亦屬不足。今將鑲紅旗蒙古缺分。量歸鑲黃旗蒙古挑取。鑲藍旗蒙古缺分。量歸正紅旗蒙古挑取。其挑取之時。本旗都統會同兼管都統。公同監視挑取。所挑之人。即入於伊佐領下。食餉當差。至前鋒護軍等缺。亦照此挑取。其戶口不必遷移。

○又奏准。八旗滿洲蒙古漢軍另記檔案人內。

前鋒護軍領催馬甲養育兵年力精壯者。除發往各省駐防外。並將在京巡捕三營綠營馬步兵缺。勻在八旗。令前鋒護軍領催馬甲挑取馬兵之缺。養育兵挑取步兵之缺。又奏准。八旗領催馬甲內。凡係勳舊之家奴挑取者。全行裁革。另添給藍甲一百五十副。以資養贍。所有裁革之缺。著另戶人等挑補。○四十六年

諭。步軍統領衙門奏京師三營。分為五營。每各營較準名數。增添官兵等因。已依議行矣。但此項馬步兵丁之缺。例應募民挑取。現今增兵丁較多。若僅募民挑

取。一時不能得許多漢仗好之人。著於八旗漢軍鄂爾布步甲閒散內。擇其年力壯漢仗好者。一例挑取。則五營既可得力。而於漢軍旗僕生計。亦有裨益。著交步軍統領於增挑此項兵丁時。即遵旨將八旗漢軍鄂爾布步甲閒散人等。與民人一例挑取。挑取之時。務須悉心揀選年壯漢仗好之人。則五營不惟多得好兵。亦可以仰副朕撫育旗人之至意。○咸豐十年議准。俄羅斯佐領。作為該驍騎校專缺。准其升補。毋庸請派大臣兼管。如果弓馬嫻熟。差使勤奮。遇有本旗委印務章京缺出。一體歸入各

佐領下人員一併揀選。洵升至副參領止。不准升授參領。亦不准其保送營員。以昭限制。○同治十年。議准。俄羅斯佐領下原設甲兵額數外。再增添馬甲二十缺。有米養育兵九缺。無米養育兵五缺。仍歸原設佐領驍騎校管理。並准挑補該旗步軍營另戶步甲。如能弓馬嫻熟。亦准挑補綠營旗缺馬兵。補缺後著有勤勞。升至綠營額外外委為止。以示限制。新設各缺。應由鑲黃旗滿洲。即在該佐領下人丁內挑補。

挑補領催○

國初定領催不論滿洲蒙古漢軍均於本佐領下
馬甲內選充。○順治元年定滿洲蒙古每佐領
下設領催六人漢軍佐領下四人。○又定護軍
亦准選用領催。○康熙四十三年議准滿洲蒙
古每佐領下裁領催一人。○雍正二年覆准八
旗領催缺均於本佐領下正身馬甲間散壯丁
內挑取如不得其人原有於本佐領下護軍調
補之例嗣後應遵照定例先儘馬甲間散壯丁
挑取不足於本佐領下之識字護軍內調補如
應挑不挑及將開戶人挑取者查出該驍騎校

以上皆分別議處。○四年議准領催登記檔案支領官兵俸餉所關殊屬緊要八旗開戶人等既不准為護軍亦不應為領催况領催等漸次錄用皆可得膺官職開戶原無為官之例現今開戶領催及凡不識字之滿洲蒙古領催內有人明白於佐領下事務諳練者俱改為馬甲嗣後不准挑取開戶人等遇有領催缺出於另戶滿洲內挑取若本佐領內無可挑取之人即將本佐領下識字護軍調補再滿洲蒙古漢軍及包衣佐領內或有人數少者即於開戶馬甲內

將人去得識字者挑取。○嘉慶十八年奏准領
催中有親父在關外當差者准開缺隨往。○又
奏准嗣後驍騎營挑取領催務擇其老成諳練
認識滿漢字者挑取。

挑補馬甲。○崇德六年

諭。每佐領下三人中許一人充馬甲。其中或多或少。不
必拘定。總以三人取一為率。他佐領下馬甲雖有餘。
亦不許充補。其舊有馬甲詐稱年老。令家奴頂替。及
佐領之子徇私不令充兵者。各都統佐領稽察。如稽
察不公。後被佐領下人出首者。罪之。○康熙二十一

年覆准。滿洲佐領下。有寡婦孤子。無可充馬甲者。將家生子充馬甲。以資養贍。○四十三年奉旨。作為另戶。另記檔案人之子孫。均准拔補馬甲。戶下人。不准拔補。○雍正二年議奏。八旗馬甲。於另戶人內。選補不敷。方於佐領下開戶。戶下人。選取奉旨。據爾等所奏。如有另戶。將另戶。選取馬甲。如另戶滿洲少時。將戶下滿洲。選取等語。儻另戶滿洲最多之佐領。其孤寡之人。不得錢糧。何以為生。有似此者。爾等將佐領下人。悉傳集。晚諭。其如何給予孤寡人錢糧。不令匱乏之處。著再行議奏。欽此。遵

旨議定。嗣後馬甲缺。仍於另戶閒散之壯丁養育兵步

甲內挑取。或該旗內有貧乏孤寡。不得錢糧養
贍者。俾集其佐領下人。徧行曉諭。將孤寡之家
人。充補馬甲。○又

諭。凡年老護軍。除應升護軍校。驍騎校外。其年已老邁。
又不在應升之列者。若竟革退。殊覺可憫。著該統領
會同都統等。將伊等轉補馬甲行走。其護軍缺。即令
人材少壯之馬甲轉補。如此則護軍亦得整齊矣。○
八年覆准。候補候選微員。自度選期尚遠。情願
入伍食餉者。亦准其挑取馬甲。至應選時。仍許

其按原班補用。○又議准八旗各佐領下閒散滿洲間有過多過少不齊之處。遇挑補領催馬甲時。丁少之佐領。每不得其人。而丁多之佐領。又致壅滯。嗣後挑選馬甲。若該佐領下養育兵開戶人內。果無可挑者。照挑補前鋒護軍之例。於該旗內均勻挑選。仍留於原佐領下。今在得甲之佐領下支領錢糧。如此既不須刪改冊檔。移動佐領。而挑選兵丁。亦不致乏人。○乾隆三年

諭。前次自軍營撤回開戶之領催馬甲內。一等二等。均

著為另戶。另記檔案。至和通呼爾哈諾爾烏遊珠爾等處打仗陣亡開戶之領催馬甲。轉不能需恩。實屬可憫。著交與八旗。將此等陣亡開戶領催馬甲之子孫。亦著為另戶。與另記檔案之人。一律選取馬甲。

又

諭。向來八旗揀選馬甲。皆憑騎射。今聞都統等並不校閱騎射。止傳赴衙門。令其拉弓。即行選取。旗人騎射。甚為緊要。如此選取。何由長進。夫教訓兵丁學習騎射。乃都統等專責。嗣後務須痛改。以期各盡厥職。儻仍如是。斷不姑容。○又覆准。八旗生齒日繁。而馬甲

限有定額。理應將正身挑取。不應並用開戶之人。其現在開戶人內有既經挑補馬甲者。毋庸革退。嗣後馬甲缺出。不准挑取開戶之人。至步甲匠役等缺。例應挑取家人。開戶人內有情願入挑者。准其挑取。○又覆准。食二兩錢糧養育兵。選補之門軍。准挑馬甲。食三兩錢糧養育兵。選補之門軍。照常挑補護軍領催。○六年覆准。八旗漢軍另戶閒散餘丁甚多。而開戶家人亦復不少。若馬甲缺。並用開戶之人。另戶人等。轉至墮溝。嗣後八旗漢軍馬甲。不准開戶人挑補。

至八旗滿洲蒙古馬甲。先於年壯正身內挑取。如不得人。再於本佐領下開戶家人內驗其能騎射者挑取。又議准。八旗挑補馬甲。定限每月初十日以前所出之缺。於本月錢糧冊檔未經過部之前挑補。一併造冊送部。其在初十日以後所出之缺。於下月初十日以前挑補。如將初十日以前所出之缺。遲延不報。及呈報後該管官不即挑補。或挑補後不即將花名造冊送部者。皆叅奏交部議處。○七年奉

旨。五旗王公宗室等府屬佐領下人。均係盛京跟隨來

京之人。著交王公等將不能養贍之正身滿洲蒙古之子孫。覈實行知各該都統。於丁少無另戶可選之佐領下。選取馬甲及執事人。仍不許離其佐領。止令本身在旗當差。若其本主欲選補護衛等官。調用別項差使。均聽其便。○嘉慶十八年奏准。嗣後驍騎營馬甲。務擇其步箭嫻熟者挑取。○道光十六年

諭。嗣後九門門甲。如因病出缺。或挑補別項差使者。仍照向例於門軍挑補。其回旗門甲。該旗一有馬甲缺出。著准其儘先坐補。○咸豐五年

諭。正白旗漢軍旗署房間。及礮局庫房各工。均經該兵

丁等捐貲修理。並據該都統等傳集考驗。皆係年力精壯。步射可觀。所有正白旗養育兵德佩等五十四名。均著遇有該旗馬甲缺出。挨次坐補。以示鼓勵。此項工程。免其造冊報銷。

革退官兵挑補護軍馬甲。○順治元年定。護軍馬甲人等有以金刃傷人及自傷者。皆不准復充。○雍正元年覆准。革退旗員。不得照舊例一概令當苦差。或有家計艱窘。願得錢糧者。遇有馬甲執事人等缺。准其挑取。○八年覆准。由發遣處寬免放回。或自行贖回。及籍沒家產人等。

之子孫。有願充護軍馬甲者。准其挑取。○十二年覆准。八旗犯罪革退兵丁。除犯十惡及因軍務獲罪。殺傷人命。減等枷責。並帶軍器逃走者。毋庸選用外。其因別項獲罪革退之兵丁內。有年力精壯。可以當差者。仍准選充護軍馬甲。如果改過自新。龜勉效力。應升之處。並准其列名。○乾隆五年覆准。兵丁犯罪。由部審擬除部文內聲明革退者。照部文革退外。其未經聲明者。如犯竊之案。及一切公私罪名。在鞭一百以上者。皆革退。罪止鞭一百及一百以下者。仍准當

差。○二十一年議准。八旗選拔護軍及護軍調補馬甲。應令該旗會同護軍統領秉公辦理。如護軍內有年老難充。必查係曾在行間及行走年久。並精力尚健者。方准調補馬甲。若年齒方壯。而騎射平常者。嚴加訓練。務令弓馬嫻習。設有怠惰偷安不遵督飭者。即行革退。駁回該旗以步甲補用。如能奮勉勤習騎射。嫻熟清語。三年後方准拔補馬甲。

挑補匠役。○康熙二十二年奏准。下五旗弓匠。每佐領下一人。照武備院所屬上三旗弓匠之

例。入於本佐領下馬甲額內支給錢糧。製備軍器。其弓匠族長。照領催例支給錢糧。於該旗匠役內選補。○雍正八年

諭。八旗各佐領下所有弓匠。鐵匠。鍍匠。鞏匠。銅匠。徒食錢糧。並無製造。何從學習。此等匠役。俱係出征行圍所需之人。若在京師。縱不能製造。尚可雇人。若值出外。將不能製造之匠役帶往。必至誤事。不如將伊等裁去。但伊等所用之器具。非人人可能置辦之物。將伊等或交八旗。按翼令其學習。或於各旗內學習。或一年或半年一次考驗。優者獎勸。劣者懲責。既可以

得精好匠役。而於需用亦為有益。著八旗都統會議具奏。欽此。遵。

旨議定。八旗弓匠一千一百十八名。均係馬甲數內之人。除上三旗弓匠。俱能製造官弓。舊屬武備院管轄外。其下五旗弓匠。雖歲有砍弓胎。採樺皮。並製造交兵部官弓等差。多有在該王公門下當差行走。不能親身製造者。嗣後下五旗兼充弓匠之馬甲。停其在該王公門下當差。著該弓匠族長勒限一年學習。限滿由該都統驗看。實能製造者。留食錢糧。不能者革退。鐵匠一千一

百十三名。半係不能製造之人。應按翼揀選參領一人總管。每旗各委驍騎校一人。令其教習製造。一應礮位烏槍腰刀等物。給限一年。該參領察驗。將粗能製造者。令食錢糧。歸鐵廠學習。不能者革退。鞏匠四百四十七名。鍍匠二百一十二名。除上三旗鞏匠五十名。鍍匠一百三十五名。俱在武備院製造。毋庸議外。其下五旗所有鞏匠鍍匠額缺。既不能親身製造。俱行裁汰。漢軍銅匠二十三名。仍歸武備院學習。一併勒限分別去留。○十一年

諭八旗俱有鐵匠鞏匠弓箭等匠。每月給伊等錢糧。俾充各項匠役者。特欲其平時學習手藝。以便行軍之際。攜彼行走。修理一應器械耳。前因各項匠役雖存。其實能製造者甚少。該旗大臣官員。亦不甚稽察。管教。特交武備院教習。今聞伊等尚未學習。遇有製造官物。俱雇人代做。甚為惡習。皆由該管大臣官員等不行查管之所致也。嗣後務須不時嚴察管教。俾加緊學習。其八旗作何特派官員。會同監察監造官督令學習。俾製造不致有誤。而雇人代作等弊。可以永除之處。著武備院會同都統等詳悉查議具奏。欽此。

遵

旨議定。除八旗弓匠等項匠役毋庸議外。其八旗鐵匠。雖分兩翼設廠教習。俱未能製造。且兩廠房屋。不過二十餘間。難以傳集教習。嗣後左右翼各擇兩旗適中之地。所有官房。兩旗合立一廠。應用器械。照從前兩廠例置備。應需銀兩。各於本旗房租內動用。匠役不可無師。應雇民間巧匠。令其教習。兩翼各派副都統一員。總轄。除兩翼現管之參領二員外。各旗派章京一員。駝騎校二員。令其專管。此次所派大臣官員。限以二年。

務令匠役手藝俱成。然後一年一換。每年四季。武備院派官稽查。歲終。武備院會同都統等詳加稽查。如教至二年。仍有不能製造者。將該管官員叅奏。如管教優者。官員給予紀錄於應升之處錄用。○十二年議准。鐵匠乃製造軍器緊要匠役。應於不能騎射。並不習清語蒙古語之開戶人內。將年力强壯者。選為鐵匠。令其永遠學習行走。不准拔補別項差役。交與該管大臣官員等秉公甄別。如技藝平常者。仍給餉銀一兩。稍優者。作為三等。給餉二兩。更優者。作為二

等給餉三兩。超衆者作為一等。拔充頭目。給餉四兩。○十三年覆准。八旗鐵匠步甲。向於家人內拔補。嗣後除旗下典雇之家人。不准拔補外。如白契所買之人。亦准拔補。至孤寡貧苦之家。並無家人。借其親戚家人充補者。該佐領查詢確實。並驗明原契。呈明該都統。亦准拔補。○乾隆五年奏准。弓匠族長。在上三旗者。屬武備院管轄。在下五旗者。屬王公門下管轄。其缺仍聽武備院及該王公選補外。其公中佐領下之弓匠缺。該頭目報明都統。於該佐領下另戶馬甲

養育兵閒散壯丁內挑補弓匠族長缺於弓匠
內挑補並咨兵部註冊○六年奏准兩翼各設
鐵匠局二每翼以副都統一人參領一人總理
局務散秩官驍騎校每旗滿洲蒙古漢軍各二
人協理每局以鐵匠四十名送武備院學習至
二年更換一次其兩翼四局匠役每年由武備
院委官查驗一次歲終會同八旗都統查驗一
次詳較優劣以示鼓勵所需器具及一切費用
每旗每月支銀四兩八錢於各該旗房租銀內
動支所需煤鐵移工部支領○三十二年議准

將現在鐵匠詳細勘試。除另戶及能製造之戶。下匠役人等准留外。將不能製造之戶。下匠役人等概行革退。其額缺由各旗不論參領佐領下。挑取另戶人等。用心學習。如另戶不得人。由各佐領揀選年壯力強。可以學習之家奴挑補。交與會製造之匠役等。用心指教。若手藝精強者。拔為頭目。給食二兩錢糧。○道光二十年奏准。武備院亮鐵作八旗漢軍額設鍍匠六十名。向由各該旗閒散人挑取。俟將有成效。又由該旗挑取鄂爾布。實無裨益。嗣後鄂爾布缺出。由

別項人役挑取其鍍匠內手藝精熟者由本作挑補恩甲。

挑補養育兵○雍正二年

諭八旗滿洲蒙古漢軍均係累世效力舊人承平既久滿洲戶口滋盛餘丁繁多或有丁多之佐領因護軍驍騎皆有定額其不得充伍之間散滿洲至有窘迫不能養其妻子者每思及此惻然動念將如何施恩俾得生計之處再四籌畫並無長策欲增編佐領恐正餉不敷若不給以錢糧俾為養贍何以聊生既不

能養其家口何由造就以成其材今將旗下滿洲蒙

古漢軍。共選四千八百人為教養兵。訓練藝業。每人各給三兩錢糧。每年共需錢糧十有七萬二千八百兩。每旗滿洲蒙古漢軍共六百名。內滿洲每旗四百六十名。蒙古六十名。漢軍八十名。其漢軍之八十名。令為步兵。食二兩錢糧。就此錢糧數內通融料理。可多得四十名。漢軍每旗著選百二十名。此所設教養兵。若計佐領。選取恐多寡不同。應於參領下計數選取。欽此遵。

旨議定。教養兵。

後改為養育兵。

每旗滿洲挑取四百六十名。蒙

古六十名。漢軍八十名。又併通融錢糧所挑之

漢軍四十名。每旗漢軍為一百二十名。至滿洲
旗分佐領數目。多寡不甚相遠。所挑養育兵。不
論佐領。在本參領下挑取。蒙古漢軍旗分。佐領
數目。多寡不同。論旗挑取。恐有不均。應不論旗
分。合計八旗總數。按其佐領多寡。均勻挑取。又
挑取時。必實係貧乏。射箭好。可以學習之。另戶
餘丁。方准挑補。至管轄教訓等事。八旗各派參
領三員。副參領三員。閒散章京二員。驍騎校十
員。又於十名養育兵內。擇其射箭好。能清語者
一人。委署領催。○乾隆元年。覆准。嗣後挑取養

育兵。該都統於閒散餘丁內年壯可以當差者照常挑取外。如本旗內幼丁並無產業及無執事兵丁錢糧可以養贍者。年過十歲該參領佐領據實具保。都統覆覈無異。即行拔補。○三年

諭。朕即位以來仰體

皇祖

皇考聖心。無時不以養養旗人為念。凡有益於伊等生計者。悉已次第舉行。今再四思維。八旗生齒日繁。若於每佐領下各添兵額。則食錢糧者加增於原數。而閒散者自少。似為養贍旗人之本計。除各王公所屬

包衣佐領外。八旗滿洲蒙古八百八十二佐領。每佐領下添護軍一名。領催一名。馬甲二名。食二兩錢糧。養育兵十名。圓明園八旗。每旗添養育兵四十二名。漢軍二百七十一箇半佐領。每佐領下添領催一名。馬甲二名。養育兵六名。通計加添護軍領催馬甲四千三百三十餘名。養育兵一萬七百七十餘名。其如何辦理妥協之處。著軍機大臣會同議政王大臣八旗大臣妥議具奏。欽此。遵

旨議定。八旗養育兵除原食三兩錢糧之滿洲蒙古養育兵四千一百六十名。儘數挑取新增護軍領

催馬甲四千餘名外。其所出之缺。與新增養育兵合計一萬五千九百餘名。由十歲以上壯丁內挑取。並將鰥寡人等之子。不論年歲拔補。每月給餉二兩。至獨身人等。既無子嗣。又年老不能當差。實屬可憫。嗣後鳧獨之人。除犯重罪革退官職執事等差外。如犯輕罪黜革之人。未經當差無錢糧可支者。亦給予養育兵錢糧。以資養贍。仍通行八旗都統。於人多旗分。照例挑取十歲以上之餘丁。如並無倚靠。實屬孤苦。雖未及歲。亦准拔補。人少旗分。先儘十歲以上之餘

丁挑取不數。再於十歲以下之幼丁內挑取。○
四年覆准。嗣後養育兵缺。自首另記檔案。及在
軍前陣亡列一二等奉

旨作為另戶另記檔案人等。並內務府奏准分給漢軍
旗分當差人子弟內無錢糧者。均照另戶例准
其挑取。○六年議准。養育兵缺。或於本參領下
挑補。或論旗分人數多寡。計餘丁之年歲挑補。
辦理殊不畫一。嗣後統於本參領下挑補。其蒙
古漢軍。不論旗分各計八旗總數挑取之例。停
止。○十八年

諭。朕籌策旗人生計。添設護軍領催馬甲養育兵缺。借與庫銀。以濟窮乏。而資生理。但八旗生齒漸繁。生計仍未免有拮据之處。今特加恩著八旗更添馬甲一千名。附於健銳營。建造新房居住。再八旗養育兵原為養贍戶口而設。並無官差坐食餉銀二兩。理宜變通辦理。譬如十人現止六人食餉。若於伊等二兩餉銀內減去五錢。即將此六人所減錢糧。增添二缺。再加恩添設二缺。則十人俱得霑恩。其如何將缺額均勻。分與八旗陸續挑補之處。著軍機大臣會同八旗都統議奏。欽此。遵。

旨議定。增添養育兵五千四十四名。其舊有之滿洲蒙古漢軍食餉二兩。養育兵一萬五千一百二十四名內。除滿洲每旗選九十四名。蒙古每旗選三十一名。共一千名。俱作為馬甲。派附建甌營建房安置。其缺仍照數挑取外。俱改食餉銀一兩五錢。每遇三缺。再加增養育兵一名。八旗共應勻出五千四十四缺。為二萬一百六十四缺。合計新舊養育兵。為二萬六千二百有八名。○二十六年議准。八旗養育兵內。所有自十八年至今尚未勻裁完竣之食二兩錢糧者。除即於

此內挑取馬甲步甲外。餘俱裁減。勻出錢糧。以
補足應添之缺。○三十一年奏准。八旗官員子
弟挑補養育兵者。內除步軍校閒散雲騎尉之
子弟。與驍騎校護軍校筆帖式等微員子弟。仍
准留存。餘俱裁革。並將原挑都統副都統交部
察議。裁革之缺。即照例以應得養育兵之人挑
補。○三十五年

諭。此次雲南出征陣亡之人。甚屬可憫。雖皆已加恩賞
賚。但伊等家口生計。恐不免拮据。著加恩。此次陣亡
兵丁內有子者。如年已及歲。即挑補馬甲。其年未及

歲者。不論大小。俱著挑補養育兵。○三十六年

諭。養育兵原為養贍單分錢糧家口衆多。及鰥寡孤獨。並無倚靠者而設。現在八旗生齒日繁。亦當酌量加恩。俾伊等生計有益。養育兵缺。未便以每兵四名給予一缺。著按三名兵內給予一缺。此項養育兵缺。惟給單分錢糧家口衆多之兵。其鰥寡孤獨。不得分佔養育兵缺。此項之人。朕另行加恩。動撥戶部庫項。每人按月各賞銀一兩五錢。以資養贍。但其中獨子。數歲即可成丁。俟長至十二歲。即著調充養育兵。所出之缺。仍可另給此項之人養贍。○又議准。八旗應裁

滿洲養育兵六千一十四名。蒙古養育兵二百二十四名。除撥增

圓明園護軍營三百六十名。健銳營三百六十七名。火器營三百八十八名外。八旗滿洲仍留一千八百六十六名。餘三千一百五十七名。俱行裁汰。○又議准。健銳營現有養育兵五百名。嗣後兵丁內有升轉殘疾病故之人。將戶口駁回本旗時。其子弟所佔養育兵缺。如係升轉者。仍照前裁革。其因殘疾病故者。不必裁革。仍帶原錢糧駁回本旗。俟坐補本旗養育兵缺之後。其

所出原缺。健銳營再行挑補。○嘉慶十年

諭。前因八旗生齒日繁。生計未免拮据。降旨諭令將五營馬兵。以若干缺歸入滿洲蒙古八旗閒散人等分別挑充。本日據祿康等奏。籌議現在巡捕營兵丁情形。請將差馬撥出二千匹。交與張家口牧放。計每月可省馬乾銀五千兩。於八旗滿洲蒙古閒散內。每旗滿洲額增養育兵二百名。蒙古額增養育兵五十名。八旗共增養育兵二千名。每月給銀一兩五錢。每月統計用銀三千兩。照漢軍養育兵之例。毋庸給予米石。所奏俱屬可行。惟是此項人等挑充養育兵丁。亦

應分以等次。如閒散子弟先挑無米養育兵。再由無米養育兵挑有米養育兵。再由有米養育兵挑馬甲。如此分別方足以示限制。至所稱將馬乾銀兩餘出之二千兩扣存部庫一節。殊可不必。所省馬乾銀兩除增養育兵二千名外。尚餘銀二千兩。自當仍於滿洲蒙古閒散內酌再添設養育兵。以資生計。其應如何勻派之處。著軍機大臣詳悉議奏。欽此。遵

旨議准。滿洲佐領下增設四名。八旗增設養育兵二千七百十八名。蒙古佐領下增設三名。八旗增設養育兵六百十二名。共三千三百三十名。內分

圓明園護軍營內外火器營各三百五十名健銳營一百八十三名。○十一年

諭。近來八旗生計維艱。朕所深悉。每思所以養養生全。倦倦不能釋念。近日恭讀

皇考高宗純皇帝聖訓。內載乾隆三年十月欽奉

上諭。八旗生齒日繁。若於每佐領下各添兵額。則食糧者加增於原數。而閒散者自少。似為養贍旗人之本計。其如何辦理妥協之處。著軍機大臣會同議政大臣。八旗大臣詳加妥議具奏。欽此。仰見

皇考高宗純皇帝於八旗生計。隨時酌量。辦理盡善。今

閱數十年。八旗戶口。又益加增。自應再籌辦理。仿照乾隆三年加添八旗護軍領催馬甲及養育兵

諭旨。將八旗再量添護軍領催馬甲並養育兵若干名。使旗人藉資養贍。共享盈甯。其應如何斟酌妥辦之處。著大學士會同各該部及滿洲八旗都統詳覈妥議具奏。○又

諭。大學士及戶兵二部八旗滿洲都統等議奏旗人移駐增額等事。統俟河工辦竣時。籌出可備生息支用閒款銀兩。再行奏明辦理一摺。朕因旗人生齒日繁。每思鞠謀保聚之遒。究以增添養育兵可得實濟。自

應亟行籌款生息俾資辦理。著加恩於廣儲司撥銀十萬兩。造辦處撥銀十萬兩。並著戶部籌撥銀五十萬兩。共成七十萬兩之數。其應如何交商生息。每年約可得息銀若干兩。計一歲所得息銀可添養育兵若干名。著該部會同八旗都統悉心妥議具奏。欽此。遵

旨議定。增添月給餉銀一兩五錢無米養育兵。八旗每佐領下四名。其半分佐領下二名。蒙古每佐領下三名。

圓明園護軍營內外火器營各三百名。健銳營一

百五十名。八旗滿洲蒙古及各營共增設養育兵四千七十二名。又內務府三旗每佐領下增設養育兵四名。

圓明園內府三旗六十名。共增包衣三旗養育兵三百二十四名。○十二年

諭。朕廩念旗人生計艱難。曾於上年冬間特降恩旨。頒發內帑銀七十萬兩。交商生息。增設養育兵四千餘名。用資養贍。旋據該部會同八旗都統等議奏。請俟發商生息銀兩解到之時。再行挑補。未免需緩。所有八旗內務府應增養育兵。著即行挑補。○十八年奏

准嗣後駝騎營挑取養育兵務於戶口衆多家
道寒難者挑取。○道光元年奏准抱養為嗣之
養育兵查明果係各該旗旗丁該旗養育兵缺
出即行調回充補至下五旗各該王公門上向
無養育兵缺嗣後將此項以及抱養民丁限自
十六歲以上年力已強即在本旗步甲缺額坐
補十六歲以下內除其父係抱養民人之子現
已身故其子無依者有本身係抱養民人之子
父母俱故無依者均俟年至十六歲時換補步
甲外其餘有父兄食餉及孀母可以得餉者全

行裁汰。民入民籍。包衣回各該旗歸入丁冊。○
又議准。挑取養育兵。向例先儘本佐領內十歲
以上者挑補。如不得人。可於參領及通旗挑取。
如不敷。再挑本佐領下九歲以下。六歲以上者。
五歲以下。不准挑取。○三年議准。本旗各佐領
下。額設有米養育兵十八九缺不等。無米養育
兵七缺。共計二十五六缺不等。嗣後各佐領下
有米養育兵十八缺。及無米養育兵七缺。仍遵
例辦理外。其十九缺者。各抽一缺。並各佐領下
有人丁較少。遇缺無人可挑者。將此二項作為

公缺。以孀婦子女丁多餉少未及十歲之窮苦幼丁挑補。○七年奏准嗣後步軍校閒散雲騎尉驍騎校護軍校筆帖式等微末之員其子仍准照例挑補養育兵丁。至雲騎尉等身兼印務章京者其子不准挑補。如未兼以前其子已食養育兵錢糧者應於該雲騎尉等兼印務章京後將其子所食錢糧開缺另行挑補。